

Սիրոն, և յերուսաղէմ, և Հայք պահեցին զհրովարտակն իւրեանց, զի ական ունէին տալ փոխել զայն 'ի հասանիլ հրովարտական յերուսաղէմէ :

Գ Լ Ո Ւ Խ Ի Գ .

Ատելութիւն ցունաց յերուսաղէմ : Կուսակալ Գամակոսի : Շինութիւն Ս . Գերեզմանին : Մղբեր զօրք և Նէնիշէրիք : Խառութիւն 'ի մէջ զօրաց : Վանք Ս . Փրկի : Ժողով 'ի դատարան վասն շինութեան Ս . Գարութեան : Գործ զօրավարին Ապուզուրեան :

ՄԻՆՉԴԵՑԻ այսպիսի դատաստանական դործով ըզրադեալ էին Հայք 'ի Կոստանդինուպօլիս 'ի Դուռն, Յոյնք յերուսաղէմ սկսան յորդորել զՀապէշս լինիլ հետեւող ինքեանց՝ և խոստանային տալ նոցա կերակուր ըստ սովորութեան Հայոց, այլ նոքա ետուն պատասխանի, եթէ հասանիցի մեզ սովամահ լինել, ոչ ընդունիմք զկերակուր ձեր, մեք զՀայս գիտեմք եւ ոչ բաժանիմք 'ի նոցանէ մինչեւ ցմահ : Յոյնք որսացին զմին յեկեղեցականացն Ղալթոց, և ետուն նմա գրել առ Պատրիարքն և առ ազգն նոցին յեգիպտոս, թէ Յոյնք տիրեցին Ս . Տեղեաց, եւ խնդրեն զմեզ լինել հետեւող ինքեանց . բայց Պատրիարքն սաստիւ կշտամբեաց զնա, և գրեաց առ Թէոդորոս Պատրիարք գիր սիրոյ և հաստատուն միաբանութեան : Յոյնք սկսան յորդորել զկանայս Ղալթոց, բայց ընկալան 'ի նոցանէ պատասխանի, զոր չէ 'ի ճահ գրել աստանօր ('ի 21 Սեպտեմբերի) :

Ի սոյն աւուրս եհաս և գիրն Ամիրայից առ Թէոդորոս Պատրիարք, յորում մխիթարէին զնա սակս նեղութեանց և տառապանաց, զոր կրէր յերեսաց թշնամեաց . ծանուցանէին նաև զմիաբան Ջանս և զաշխատութիւնս իւրեանց, համակամ միութեամբ եղեալ ուխտս և դաշինս, 'ի փարատումն վշտաց՝ 'ի պահպանութիւն և 'ի պայծառութիւն սեփհականութեան ազգին, և զուրախութիւնս իւրեանց 'ի հասանիլն օրինաւոր հրովարտակաց, և յաւուրս ծումսպահութեան Տաճկաց խոստացեալ հանել զհրովարտակ